

1593

*Palma con-
struenda
provincia
Marco An-
tonio Bar-
baro deman-
data.*

ac munitionum peritissimo, exhibitum Senatus probavit.

Marcus Antonius Barbarus, cum supremo imperio legatus, in Carnos missus; atque in iis, quæ ad eam substructionem pertinerent, suprema illi auctoritas concessa. Datæ ad urbium atque oppidorum magistratus literæ, quibus omnibus in rebus, quæ ad novam munitionem spectarent, ei parere juebantur. Pecunia expensarumque ratio Joanni Garzonio mandata; qui ædificationi præesset curator Marcus Antonius Villacra a Senatu est datus. Palmæ nomen, Palmata proximo vico innuente, novæ arcis inditum; vel inde prælagio quodam longissimi ævi capto, quod hæc arbor sæculorum spatia æquet; vel quod palmam victoriæ signum jam inde a priscis temporibus usque ad hanc tempestatem cuncti existimaverint. Ut cumque res se habeat, nonis octobris, ob insignem ad Echinadas victoriam, Justinæ virgini ac martyri dicata die, præclari operis fundamenta jacta sunt. In iis prisco more ex auro, argento, ære monetæ immissæ, quarum altero later leone alato insculpto, divi Marci, Reipublicæ tutelaris, symbolum, exprimebatur hisce literis: PASCHALE. CICONIA. DVCE. VENETIAR. ET. C. ANNO. DOMINI. M. D. XCIII. Altero, signo crucis impresso, munitio assurgens viscebatur, adscriptis notis arcis: FORIIVLII. ITALIAE. ET. CHRIS. FIDEI. PROPVGNACVLVM. Cruci vero: IN. HOC. SIGNO. TVTA. Neque, ut magnis in rebus solet, præfensiones quædam ingentis hujusce operis defuere. Ferunt enim viginti antea annis pastori cuidam, Camotio nomine, gregem iis in locis pascenti, per quietem innumeram gentem, quæ ibi arcem conderet, apparuisse; alios fossas excavare; alios propugnacula erigere; alios ædificia struere. Rei novitate stupenti, ecquidnam illud esset, interroganti, responsum fuisse: *An non cernis, nos hic erigere arcem velle?* Tunc terrore infueto perculsum atque attonitum, relicto grege, ad divi Laurentii propinquum pagum reversum, quid sibi acciderit narrasse; ludibrio, uti ebrium habitum fuisse; procedentibus vero annis, spectrum facto probante, admirationi atque stupori fuit.

Novæ hujus excitandæ munitionis summis undique laudibus decretum exceptum est, quo egregius non modo Venetorum